

廬山太平興國宮採訪真君事實卷之七

應感類

陸九

楊泰明棄官學道于廬山

泰明為長安縣令本一儒生事父母孝時謂楊孝子嘗佐郭子儀幕府性恬靜不求仕進每勸子儀曰軍政雖曰尚嚴人命至重不可輕殺子儀掌兵二十餘年馭下寬厚不妄誅戮軍士愛之如父兄皆泰明陰贊之力永泰元年棄官來廬山峯頂結庵造青精飯服以辟穀然栢香禱于九天使者真王求長生之道積一十四年時當秋夕天宇清霽忽於朝禮之地見神人金冠絳袍白珠絡縫傍有一人執玉斧一人捧玉函神人曰我乃九天使者採訪人間善惡以汝積世有功於民衷心清苦精持道行誠達九天玉清太素三元君命我授汝九天太真道經泰明再拜伏地叩首稱謝徐啓玉函授以寶書仍告戒曰始終精勤不替道成之日吾當召汝語訖風雲驟起已失所在開經觀之乃高上大洞真經三十九章也泰明從此依經行持屏跡人世凡

三十六年至憲宗元和八年正月一日午時祥雲來迎泰明乘雲昇舉出長山感遇記

李雲卿醫道有功

雲卿唐之隱士每云上真高仙必須陰功濟物精持戒行遂留心醫道智識穎悟凡用藥不犯生命止使金石草木自古仙製方傳于後人其間有用蟲魚為藥緣此不得輕舉因為鑒戒來居廬山數州求醫者盈門不受財帛之贈絕慾斷葷所居近九天使者廟每旦焚香祝曰雲卿以醫藥救民疾苦不務財利盡未來世永無退心神明靈通必蒙加護凡居山六十餘年顏色黃潤日光射人識者皆云陰德所致一日因隨採藥人至深山中忽覩一人圓冠紫袍揖曰我此山之神也九天使者真王傳命以汝救物有功使我授汝太清九華神丹陸九太微天帝君飛天罡步地紀金簡玉字一通自此當屏跡人間精意修持雲卿再拜告曰九天使者不審雲卿可得見否神人曰汝穢氣未除未可見也方以手授神丹玉字之訣其神已隱不見雲卿乃就聖

治峯土穴為室專修其道後唐同光二年八月一日白日昇仙出神錄

向子文遇龔慶長

子文長沙人唐寶曆二年得官衡州貧不能歸愛山水之勝一旦謁嶽廟時當盛夏留宿旬餘忽有一人青布紫裳面如珠玉神色威整鬚眉如畫子文與其骨相翌且往見問之乃曰余龔慶長也世家洛陽少遇司馬隱元子鳴皋山下隱元者自云委羽洞天靈官也凡五嶽四瀆洞天福地各有靈官主之校量功罪採訪善惡聞于九天使者之府隱元語慶長曰汝宿生常居要職有辯冤雪死之勞當時士民陰受汝賜逮朱泚僭逆伏節死事忠憤之氣毅然不衰故得再生為人他時通悟必能記憶矣九天使者錄汝之功命我授汝石精金光藏景錄形神劍之法中黃太一默朝之道因得度世近登紫霄峯望氣見嶺外妖氣欲往禳除經過嶽祠故來朝謁子文為之致恭慶長顧侍者取琴鼓之其曲曰金鯨躍海雨滴秋荷醉淘月白雲引之類音

韻清越非凡聲也陪從數日臨別子文再拜曰幸得際遇欲從先生南遊可乎慶長曰未可也汝尚當仕進更十八年中條山相見子文再拜乞言慶長曰學道先乎功行逢時得志汝宜勉之至于吐納服餌乃其餘事子文懇請再三慶長曰當俟後會子文曰更有戒誓當稟奉慶長沉思良久云汝父祖旅殯僧舍頗苦鬼後早卜吉壤以終大事子文流涕拜謝翩然而去出李文正公南行錄

徐司諫施錢新廟

○司諫唐大和二年除江西節度使以私錢三萬緡新廬山使者廟命工丹雘潯陽令遣吏典其事吏入城召畫工與俱歸工負荷丹采從之始出闔吏忽自褰衣帶投地工疑其醉拾而隨之須臾脫衣棄帽比行三十里衣僅蔽體將及廟忽有若健卒者青衣白韋蔽膝出自澗中前捧吏去工救之曰此醉人也怒之卒但瞠視捧吏坐水中工始覺其鬼驚走告廟中人偕來已失青衣所在吏坐如初視之死矣因闕出納之籍則乾浚過半出太平遠事

劉德本捐財賑饑

德本字孝叔鄂州人好古多能不求仕進往來船賈於大江中唐乾符六年十月黃巢陷鄂州沿江驚動自度不能還鄉以米萬碩散施饑貧避地廬山一日有道者蓬頭鹿裘來訪不通姓字相從遊山踰年一日偶至五老峯下賞說不覺日暮乃携手入深澗見石門中老人倚杖而立德本再拜具述行止老人喜曰可同到後院行約四五里見一門丹碧煥爛上有金篆題曰紫元景曜之門既入見樓臺層列宮室相連守衛之士呵禁甚嚴德本震悚不敢仰視老人曰此詠真洞天也九天使者真王採訪人間汝捐家財巨萬以賑饑民善行可嘉故許一造神府當刊名九天仙錄度世不死矣德本再拜曰九天使者真王見居何處老人曰汝為人方四世夙生障厚骨相未清未可問也汝宜嚴持戒行澄瑩心神濟物利生精進匪懈真王洞鑒隱微他時必垂救度德本再拜以謝老人便引出門未踰闕之間恍然不見已還舊止德本問道

者曰老仙何人也道者曰即此洞天靈官九天使者真王之隸也爾既曾造神宮躬授靈訓吾與汝請從此別遂揖而去出洞天靈官記

張懷武陰功文物

唐天祐初江西連帥南平王鍾其遣道士沈太虛詣熊于九天使者廟太虛驚懼恍若夢見圖像前一人指曰吾張懷武也嘗為軍將微有陰功及物採訪命我為靈官既寤訪懷武之名無能知者歸以語進士沈彬彬後二十年遊醴陵邑令陸君與客方食有許軍吏後至語及張懷武彬問之許曰懷武者蔡之裨將頃因甲辰年大饑聞豫章獨餘即將都屬奔馬既即路兩軍稍不相能此至武昌豐隙大作剋日將戰蔡之不可懷武乃拔劍謂其徒曰吾與汝今日之行非有他圖直救姓名爾奈何不忍小忿自相攻戰夫戰強者傷弱者亡如是則何為去父母之國而死於道路耶兩軍所以致爭者以有懷武故也令我為汝等死兩軍亦無後艱矣遂自刎於是眾皆慟哭相與和親比及豫章無死亡者出張留官記

王琳放生獲死

琳京兆人唐大順二年任邢州堯山尉時方兵興死於血刃者甚衆琳歎曰無辜之民肝腦塗地深可哀也遂捨家貨具棺槨數年之間所葬不可數計金陵同事高應成平令官

母老食衆貧不能歸琳竭力資助遣子剛中津送還鄉士論嘉之金陵瀕江琳每過市必鬻魚鼈而放之一日德者舉網得魚赤鱗金目長丈餘琳曰此異物也買送江中風濤隨起夜夢一武士衣冠甚偉語琳曰公放生華

死多矣九天使者已錄善功當享長年之福琳曰九天使者何神也曰天之貴神也受命上帝採訪人間善惡而誅賞之在廬山之陰公豈不知琳覺而異之日奉香火年百有餘歲而終二子六孫亦皆耆耄京師謂之長壽

王家丞相薛居正詩云丹魚報福流三世白骨銜恩勅九天其家刻石記之出補錄

食牛肉入觀之戒  
大中祥符元年有一屠者春時因隨遊人入觀中忽若有物擒擗之庭下倉惶奔走出

門竄入一空室中卧地作牛吼之聲數日而卒兩目突出至今有食牛肉者不敢入官門出明補錄

鬻油穢雜齋醮之報

廬山下有鬻油者養母頗孝一日暴雷震死母以其子無罪日號泣於使者之祠祈知其故一夕夢朱衣神人告曰汝子雜取魚膏以偽亂真欺人而謀利吾祠齋醮用之腥氣薰蒸靈仙所惡震死晚矣出太不遺事

何集虛信事使者雙目再明

集虛字道甫黃州人天禧二年主河南府偃師簿因目瞽解官有廬山道士告云本觀九天使者至誠祈禱當有靈感集虛遣男仲和詣山致醮畫像以歸絕慾食素焚香祈禱日取供水洗目將二年餘忽一日見物如隔紗

殺遂望山醮謝以答神休復經數月雙目俱明集虛緣此感悟持戒奉道益加精專享年九十有七而終嘗作朝真發願文及神水洗眼賦九天使者真王靈贊叙述甚詳出補錄

張信立繪像奉事免風濤之厄

信立字成之河陽人天聖二年授南雄州司理過廬山太平觀醮因繪九天使者像奉事任滿還京舟至小孤風濤大作幾至覆溺舉家慟哭然香禱告中大風穿窻掣去繪像須臾風息雨霽繪像挂於桅竿同舟之衆仰歎不已出江明錄

胡元弼夢戒殺生而得子

元弼景祐元年任江州酒官父母俱年七十有七而自已多病累得子不育乞養異姓亦復夭折舉家齋素醮于祠下是夜宿道院中夢一縞衣小童告曰汝平昔廣殺物命以恣口腹所以絕嗣若能戒殺當有善報元弼夢覺媿汗再致醮以拜神誨戒殺以贖前過踰年得子後頗成家出明錄

馬子簡在官恣性之報

子簡京師人治平元年自洪州錄事解官歸其父存誠途中感時疾至廬山西林寺昏迷危篤遣人入江州呼醫未至聞太平觀九天使者神靈顯著子簡詣觀致醮將欲陞壇暴得風眩之疾不能祗事而還其父存誠熱極

發狂若有所睹云簡在官恣性決槌殺人甚眾冤訴紛紛存誠數日得汗而愈于簡憂鬱到京遂卒出明戒錄

文孝子取肝救父

文彪字仲炳江州德化縣農家子篤學至孝年十六遊上庠元豐七年父病垂死彪詣採訪殿禱告歸家剖腹取肝為劑二十四粒雜他藥進之父病即愈郡縣庶得其事欲闡于朝彪泣曰此人子之常情何以名為猶是人益高之父後二十四年而卒與肝劑數同初

取肝時誤剖右脇忽聞空中有語云在左邊彪亟納入再剖左脇得之血流滿地神思昏瞑恍惚中見一道士食以來禽遂躑彪後再遊京師卒于道其家立祠官側蔡旒漢著題詩云見說當年立剖肝九天宮裏萬神看接花刀上血猶在吞藥胃中父已安卓行的知通上帝美名元不要高官奇標玉潔歸何處應在三山跨綠鸞又乾道五年彪之兄子解亦剖股以愈母疾時司馬知白為二人作文孝子傳出本州國經孝行傳

高雲舉讀大洞經

雲舉錢塘隱士篤性奉道喜讀大洞經動如戒律一日忽有雲輦仙馭命赫自空中來一人降坐冠服霞映容貌玉光雲舉再拜稽首仙問曰子讀是經亦知其旨乎雲舉曰嘗聞三十九章尊貴之書但竊讀之未造真旨仙笑曰吾九天採訪使者聞子讀洞經不倦故來觀耳果若不替久久自造其妙子宜勉之語未畢忽然昇空而隱出李文正公南行錄

周舉神授十字經

周舉吳人建炎元年自京師歸鄉里是時偽賊萬振群盜四起忽遇星冠羽衣人曰子明日死於兵難若能誦十字經可以免死解寬延壽舉跪地以請羽衣曰九天應元雷聲普化天尊乃十字經也拜而受之羽衣忽不見舉疑其神授堅心默識明日果遇盜逐之林間窘懼之次亟誦前號聲未絕口而雷聲大震群盜竄去遂得脫難出趙學老建炎元年冬賊張遇聚眾萬眾自淮渡江攻

建炎退張遇寇

陷池州十二月初十日犯江州時太守龍圖閣待制陳彥文躬擐甲胄率眾登城誓以死守賊兵攻陷凡三日大勢危迫州人號呼請命望山而拜忽見旌幢現于雲表圓光彼野中有真相如乘獅子又類龍馬擁列騎從在雲氣中合城共睹須臾大雪賊不能露處殺獲甚眾有騎兵千餘至官中隨處舉火雖竹屋紙幃亦不能然睥睨殿門若有所睹倉惶逃遁賊退太守及州民建醮謝恩相繼月餘至今江城士庶每年四月上七結會建醮蓋

本諸此出本官舊記太守陳彥文謝恩詞云虛朱帝憫靈久鎮於名山金闕真王降祉業基於福地事關前古禮重本朝近以淮寇猖狂凶徒暴橫水陸並進欲竊據於江城矢石交攻將盡屠於生齒望望官而請命登舟惻以祈表威現旌幢氣成龍馬祥雲四合知神騎之護持大雪連朝覺冠鋒之潛挫恭惟道力敢忘齋心式受神科庶副洪造免致弱

蓋願暫降於紫霄風馬雲車於來臨於洞府真終大賜未保群生每年四月上七江城士庶建醮意旨伏為建炎年間賊徒來犯九江一城生靈將遺屠戮時荷蒙九天採訪真君雲瑞垂佑一郡生靈皆得更生自後合郡士庶恭詣郡地建醮謝恩迄于嘉定兵化郡城禍遠數郡之郊勢迫九江之寇民懇憂於近死望江真官時稟荷於生全頌消歎欷思諭音思報何窮謹結會修設謝恩請醮一百二十分位伏願

于父永息合境安寧  
次莫各家俱膺百福

周氏沉溺木筏

瑞昌縣居民周氏以財雄鄉里多貨賣江湖  
間紹興三年買上江杉木為大筏其直十萬  
餘緡將至建康適命九江同姓人主之行

有日矣同姓者詣廬山採訪真君殿決籤詞  
云四顧那自一抱疑有二心遂爾不能改如  
何就沒沉周其姓者謂業已辦裝不肯止纔  
至滄江門果溺出夷整

開禧誅逆曠事

開禧二年十二月四川宣撫副使興州都統  
制吳曦叛三年正月十八日借號蜀王遣偽  
將裨部兵守夔門本路帥臣蔣介解印付  
之禧二月十九日至夔介適江而歸二十四  
日泊萬州介之客有趙潭者善降諸神是夕  
介命潭請禱卜其去就禍福所執筆筆迅動  
異常忽大書云吳曦世受國恩敢謀僭叛將  
降四蜀於左樞九天採訪使者奏其事上帝  
震怒數滅其族事不出三月秘之介懼泄神  
語召禍緘封甚密三月初十日至忠州逢露

布職果以一月二十九日就誅介聚十數客  
拆緘共賭驚歎萬去興州二千餘里神之降  
先職死蓋五日異哉是年季夏之四日宣教  
郎四川宣撫使司幹辦公事嘉定薛綬謹識  
見存石刻  
于本官

錢方平神授運生章

方平淮海人淳祐四年上元節日漸停午神  
情恍惚伏几而睡夢一鬢警道人稱曰吾乃  
應元公也未及問答探懷中出一幅紙有文  
訓方平讀曰道跡輪玄化雲瑤肅神允清華  
洞靈巖萬境隨週流翼會寶真丹光燦平  
浮揖召帝子家回象明飛輪變運舉若此遊  
爾不可求驚林動餘陰風質難循勾瑤葉發  
棲香禁闕舒神謀密簡眷通醫六運朝元遊  
羽爽起劫輪時而濟虛乘剝度昭六沉積嶼  
停山上琳葉滯寶齋察舉成空幽寬節表佐  
見侍相採良儔大哉混沌中群息勝氣投黃  
房宴馬尊九蓋華君俾轉降爾至妙開教當  
三樓子避復以命王檢傳千秋誦畢曰此九  
天運生章子密記之異日來大平官訪吾方

平疾讀悉記欲扣其原忽家人驚寤當亦罔  
測越五載沿幹江西道經滄浦方知廬山太  
平乃採訪開治始悟昔日應元公即採訪真  
君也袖香瞻禮謹錄前文揭于殿楯以昭神  
授而去

趙架閣夢神授半夏湯方

宣教郎趙架閣時景定二年在江西制幕  
忽感氣疾夜夢霞衣仙客親授半夏湯方翌  
早依方投劑隨即痊愈及檄往招募軍兵入  
山炷香復得異夢六十日招足回司就山致  
辭其詞意云曩因去年日達大歲氣疾忽作  
官事盡曠夜夢靈衣仙客親授半夏湯方翌  
旦叩醫依方投劑藥蓋甫嘗以瞑眩體府頓  
覺其清涼重惟下土之微臣曷動上天之顯  
相爰自蟻旋於王事幾脫虎口之殘生言伏  
願帝德好生天道福善警平生之無愧俾久  
禱以上通香火有綠世作玉皇之仙吏精勤  
不替常陪太一之青藜

劉氏朝真暈死之異

江州官牌夾居民劉氏景定五年正月七日

隨衆朝拜採訪真君所帶倭將紙錢就殿下  
 焚化所荏者慮其燒壞瓦石遂止之劉氏陞  
 殿喧喊欲奮拳相撲忽殿中燈燭昏暗須臾  
 若有神人擊劉下殿旋轉三匝頃絕在地流  
 血被面衆拜告真君乞持赦罪移時復甦扶  
 護回歸至新橋又復暈倒自云採訪六丁神  
 何苦責我之甚如醉而歸離家一里而卒聞  
 其家云三日前曾食厭物所以神靈責罰由  
 是來朝拜者益加尊敬  
 ○廬山太平興國官採訪真君事實卷之七

正一法文經護國醮海品 階一  
 太上告仙人巨子明曰將來國主帝王有國  
 土不安星宿錯度日月失昏陰陽不調兵革  
 四起疫毒流行兆民死傷汝等徒衆宜加救  
 護禳災請福滅障消殃宜設河圖普告大醮  
 以謝三十二天三十二帝日月星宿璇璣玉  
 衡三十六地名山大川仙官洞府土地真官  
 可用飲食餅果千二百盤金龍環壁本命紋  
 繒五方鎮錄金錢鎮銷幡香燈燭仙官神座  
 章信紙筆書刀事事潔淨罄竭丹誠奏上章  
 表悔謝愆負祈請福恩鎮信之物天子用疋  
 諸侯用丈庶人用尺亦可三百六十盤亦可  
 二百四十盤可令精勤道士一十二人亦可  
 九人亦可三人沐浴清淨燒香潔服齋戒吉  
 日登壇答告遍謝事訖即以醮座金龍環壁  
 青紙青絲銀板籌筭散詣名山大川章醮投  
 告可用飲食餅果三十六盤亦可二十四盤  
 其本命紋繒五方鎮錄金錢繒銷香油燈燭  
 紙筆神座之具事事降減元數羅列敷陳以  
 告洞府仙官具陳丹款請福禳災投於清冷

之淵山洞之所保延國祚記上仙名其銀板  
 題文當如靈寶簡式藏投深山深水勿使漏  
 洩密則福降洩則禍臻長淪幽夜終不蒙祐  
 太上重告子明曰夫學仙道士宜篤志勤苦  
 爲國立功救護蒼生先物後己章醮錢錄座  
 席散造功德捨施貧窮營建靜舍燒香然燈  
 念濟一切放生度死功滿三千白曰昇天是  
 時巨子明等首體投地同聲稱善作禮而退  
 天師君曰自淳風漸薄僥倖競生道德不行  
 百災俱起能令國土不安居家虛耗妖怪互  
 出疫疾流行生事輒軻動遭凶禍或彈官黜  
 職祿位不進貴賤怨憎誇毀凌辱或偷盜劫  
 掠驚動內外國失土境民喪錢財恐放縱橫  
 民人死叛或兒孫反亂門戶不昌所作違心  
 舉動不利若有此災皆宜醮祀龍神或海龍  
 江龍河水宅龍任意祀之  
 醮法須清淨諸果實隨時所珍每令芳香當  
 用吉日三年爲之國安民豐家內富溢米穀  
 盈倉九年爲之金帛自積所向果從此法神  
 驗道不欺人